

堅

瓠

集

堅瓠三集卷之三目錄

老蛇皮

豬鬃鬃

用琵琶語

售宅賦別

改題六如畫扇

坡妹相嘲

題黃雀樓

對語

祝詞

煮鵝詩

化鬚疏

鬚虱頌

恒言

拾遺品題

周秀才

茹字

七夕古今無假

挽陳文詩

詩有感發

狂客索酒

玉腕黑臂

題漢高祖廟

窻糊睢陽傳

摩爺夫入

題昭君圖

夫婦互羨

延和閣

豆腐

獨眼龍

白縣尹題壁

屈原曾子

顏子告狀

閔子騫辭費

崔判

顧令却錢

戲吳主事

嫁女題石牛

唐祝蓂緣

桃石相嘲

梅花下火支

十二辰詩

葱湯麥飯

玉皇絲環

刪大白詩字

詩社

剪刀詩

熨斗詩

釣鰲客

千字文題

拙字

題扇拒客

汪海雲

朱斗兒

硬如鐵

戴石屏

武廟幸徐霖第

水利

險韻詩

沈宜謙

衣巾生員

造樓觀塔燈

重刻褚石農堅瓠集卷之三

甬上留香閣主人較刊

老蛇皮

士介甫安石乃進賢饒文之甥銳志讀書
舅黨以介甫膚理如蛇皮目之曰行貨亦
欲求售耶介甫尋舉進士以詩寄之曰世
人莫笑老蛇皮已化龍鱗衣錦歸傳語進
賢饒八舅如今行貨正當時

豬嘴關

元祐間王景亮與仕族無名于結爲一社
紀事嘲諢士大夫無問賢愚一經品題卽
爲不雅號曰豬嘴關呂惠卿察訪京東氣
質清瘦語言之際喜以雙手指畫社人呼
爲說法猴獠又奏爲七字曰說法猴獠爲
察訪久不能對一日邵箎因上殿氣泄出
知取平邵高鼻卷髯社人名爲奏氛獅子

仍作對曰湊氛獅子作知州

用琵琶語

明華亭徐司空達齋陟文貞公階弟也初
官都下南歸張江陵爲文貞門生與諸公
具酒餞之臨別而達齋醉甚乃拊江陵背
曰去時還有張老來相送來時不知張老
死和存江陵街之。顧小川爲徐文貞壻
謁松守方某適有坐客問此位何人方云

當朝宰相爲岳丈。王元美爲郎時適有
宴會而嚴世蕃與焉侯久方至衆問來何
遲世蕃云偶患傷風耳元美笑云爹居相
位怎說出傷風衆大笑亦有爲元美咋舌
者。金給諫士希本西域人科中戲曰賢
哉回也失偶再娶又相賀曰這回好個風
流婿四事皆用琵琶記語調謔一時機鋒
到自難禁未免貽輕詆之譏

售宅賦別

有人賣宅將行賦詩志別云只爲青蚨不
濟身故廬業已屬東隣可憐今夜猶爲主
繼到明朝便作賓燕雀有情還戀舊犬猫
隨我不知貧慙懃囑付門前柳他日經過
陌路人李戒菴云不知何人所作先君屢
爲兒輩誦之將有警也識以備遺

改題六如畫扇

唐六如寅爲一狎客畫扇作水墨桃杏二
枝欲作新詞題之其人持去爲狂生書詩
於上六如見之怒甚取筆泚墨淋漓一抹
詩盡墨時楊五川儀在側方弱冠以水
洗滌新墨詩跡幾滅計不能盡去乃因字
刪改遂填補成長相思一調云桃花紅杏
花紅兩樣春光便不同各自逞嬌容倚東
風笑東風綠葉青枝共一叢靜愛碧烟籠

六如甚加歎賞

東坡戲妹

女史云東坡有小妹善詞賦敏慧多辨其額廣而如凸東坡嘗戲之曰蓮步未離香閣下梅粧先露盞屏前妹卽答云欲扣齒牙無覓處忽聞毛裏有聲傳以東坡多鬚鬣故也兩山墨談所記相戲之語又皆不同坡戲妹曰脚音踪未出香房內額頭先

到畫堂前以其衝去聲額也妹答坡云去年

一點相思淚今日方流到嘴邊以坡長面

戲之又云蘇小妹能詩代婢作愁苦詩答

秦少游世傳蘇小妹爲秦少游妻戒庵漫

筆云考淮海集徐君主簿行狀云徐君女

三人嘗歎曰子當讀書女必嫁士人以文

美妻余如其志云則少游之妻乃徐氏非

蘇小妹也

題黃雀樓

顧東橋璘撫楚三司請遊黃雀樓先磨一
石飲後乞公留詩東橋在輿中已得雲荒
赤壁周瑜壘江繞青山夏禹祠一聯遂援
筆書石上云黃雀仙人身姓崔空傳崔顥
舊題詩雲荒赤壁周瑜壘一青山夏禹
祠浮世古今空灑淚高臺歌舞幾啣卮天
寒月白孤鴻遠徒倚闌干送目遲三司歎

服洗盞更酌

對語

永樂中夏忠靖公偕給事周大有蘇松治
水一日同宿天寧寺給事早如廁行甚急
夏戲曰披衣鞞履而行急事急事周應聲
曰棄甲曳兵而走嘗輸嘗輸嘗見陳剛中
集有二人土上坐一月日邊明楊東里集
有人從門內閃公向水邊泐又聞有紅荷

花白荷花何荷花香黑蕓子赤蕓子甚甚
子甜五行金木水火土四位公侯伯子男
一人愬于官云小人告大人官卽令屬對
應曰上士倍中士奇巧者此類

祝詞

崔林玉露宋孝宗御宇高宗在德壽光宗
在青宮寧宗在平陽邸四世本支之盛亘
古未有揚誠齋時爲官僚賀光宗誕辰詩

云祖堯父舜真千載禹子湯孫更一家讀
者服其精切又云天意分明昌火德誕辰
三世總丁年蓋高宗生于丁亥孝宗生於
丁未光宗生于丁卯丁年見李陵書○三
朝野史載四月八日謝太后壽崇節九日
度宗乾會節賈似道命司封郎中黃蛻作
致語中云聖母神子萬壽無疆亦萬壽無
疆昨日今朝一佛出世又一佛出世

前輩風致

楊東里

士奇

爲相日知陳司業

徽宗

自南

京考滿來京將至先令其子迎於道分贈黃封一壺侑以詩云請詢陳司業幾月出南都河上交冰未江南下雪無道途多跋涉塵土着髭鬚下馬須煎滌呼兒送一壺領聯自有相臣體而友誼之隆尤藹然見於詞表讀此可想見前輩之風致

化鬚疏

沈石田有化鬚疏手卷卷中所稱趙姚周
三人蓋當時與公相善友也非託詞如子
虛烏有之類前有小引茲有趙鳴玉髡然
無鬚姚存道爲之告助於周宗道者惟其
于思之間分取十簾補之不足請沈君啓
南作疏以勸之疏曰伏以天閭之有刺地
角之不毛鬚需同音今其可索有無以義

古所相通非妄意以干乃因人而舉康樂
著捨施之迹崔謚傳挿種之方惟小子十
莖之敢分豈先生一毛之不拔推有餘以
補也宗道廣及物之仁乞諸隣而與之存
道有成人之美使離離綠坡而飭我當楫
楫擊地以拜君對鏡生歡頓覺風標之異
臨河照影便看相貌之全未容輕拂於染
羨豈敢易撚於覓句感矣荷矣珍之重之

謹疏

鬚虱頌

王介甫王禹玉珪同侍朝見虱自介甫禱
領直緣其鬚上顧之而笑介甫不自知也
朝退介甫問上笑之故禹玉指以告介甫
命從者去之禹玉曰未可輕去願頌一言
介甫曰何如禹玉曰屢遊相鬚曾經御覽
未可殺也或曰放焉衆大笑

恒言

張磊塘善清言一日赴徐文貞公席食鯽魚蝗魚庖人悞不真醋張云倉皇失措文貞腰捫一虱以齒斃之血濺齒上張云大率類此文貞亦解頤○清客以齒斃虱有聲妓哂之頃妓亦得虱以添香置鑪中而爆客顧曰熟了妓曰愈於生吃

拾遺品題

唐拾遺魏光乘性詼諧好品題朝士兵部

尚書姚元之長大行急目爲趕一作蛇鶴

霍黃門侍郎盧懷慎好視地目爲覷鼠猫

兒殿中監姜皎肥而黑目爲飽樵母猪紫

薇舍人倪若水黑而無鬚髮目爲醉部落

精舍人齊處冲好眇目視目爲暗燭底覓

虱老媽舍人呂延嗣長大少髮目爲日本

國使人目舍人鄭勉爲醉高麗目拾遺蔡

孚爲小川醫博士詐請藥性殿中御史其
短而醜目爲烟薰地木目御史張孝嵩爲
小料方相舍人楊伯仲一作嗣躁率目爲熬
熬上獬獬目禱闕袁輝爲黃門下彈琴博
士目員外郎魏恬爲祈雨婆羅門目李全
交爲品官給使目黃門侍郎李廣爲飽木
瑕璜餘不能盡述由此貶新州新興縣尉
○婁師德長大而黑一足蹇張元一目爲

失轍方相天官侍郎吉頊長大好昂頭行
視高望遠元一目爲望柳駱駝元一亦腹
粗脚短頊縮眼跌吉頊目爲逆流蝦蟇

周秀才

文酒清語東都周默未嘗作東一日請客
忽風雨交作宋溫戲曰驕陽爲屐已成災
賴有開避周秀才莫道上天無感應故教
風雨一齊來

茄字

世人誕罔自詡博洽談事則議論鑿々或揭其謬屢遷其說以文之吳諺謂之假在行朱復繹云一蒙師在館中偶與客小飲食茄子其徒忽問曰茄字如何寫師愕然未語一客曰草字頭着加字師認爲冢字毅然曰要曉得茄字原出在易經非我求童蒙茄下童蒙求我客曰非此冢字師復

認爲佳字恍然曰是已春秋不云乎鄭國
多盜取人于萑茹苻之澤客曰亦非也草
頭下一勾一撇着口字師將指畫作勺口
字喟然曰忘之矣禮記開卷卽云臨財毋
苟苻下得臨難毋苟免客曰草頭下一勾
一撇不是這樣寫師又凝思復認爲刀口
字因厲聲曰汝讀詩經如何不曉得詩經
上有芑茹之華乎客曰又悞矣只是草頭

下一箇力字一箇口字耳師猛然想作立
字搖頭瞪目顧其徒而言曰可見凡人不
特五經當熟卽二典亦須搏通我每晨持
誦金剛經見有這個茄字所云須菩茄下

提於意云何佛告須菩提至梁皇懺則云
南無讀如菩薩摩訶薩相與閔堂大笑曾

見謔浪編載尙書趙從善之子希蒼官紹
興日庖人請判食單欲食燒茄問吏茄字

吏曰草頭下着加字卽援筆書蒙字時人
笑曰燒蒙則知以蒙作茄亦不始此西席
也○又硯田詩笑蒙師夏月偶思食茄因
吟云時新茄子滿園間不與先生當一餐
其徒歸述於母遂朝夕以茄爲供先生又
苦之續云誰料一茄茄到底呼茄容易遣
茄難此句俗諺用之恰當是皆可助尊俎
間掀髯捧腹也

七夕古今無假

宋時行都節序皆有休假惟七夕百司皆
入局不准假時相古村問堂吏云七夕不
作假有何典故吏云七夕古今無假查柳
宗元七夕二郎神詞云須知此景古今無
價也時相唯唯

挽陳文詩

羅一峯倫以疏論李文達賢奪情謫市舶

未踰年文達死而當時爲文達書策者學士陳文也文死山陰薛御史綱挽之曰學士先生早蓋棺雖歌聲裏路人歡填門客散名猶在負郭田多死亦安鹽井已非今日利冰山不似舊時寒九原若見南陽李爲道羅倫已復官

詩有感發

昨非庵日纂有聞巧詩云忽聞貧者乞

哀風雨更深去復來多少豪家方夜飲貧
歡未許暫停杯嗚呼富人一盤足供貧人
數日糲者有矣一宴足供窮人幾歲食者
有矣念及此何忍浪費又寇萊公好歌以
綾帛賞歌者侍兒倩桃為詩呈公曰一曲
聲歌一束綾美人猶自意嫌輕不知織女
機窓下幾度拋梭織得成又風勁衣單手
屢呵幽窓軋軋度寒梭臘天日短不盈尺

何似妖姬一曲歌字字愷切引而伸之不
特借物兼可約已施貧矣

狂客索酒

玄亭閒話狂客過豪家索酒適見有饋魚
蟹者未出客曰孟嘗門下焉得無魚吏部
盤中定須有蟹一女奴速出將母命答曰
主人不殺已付校人畜去上客先期都爲

醉客賦詩

康熙中德興張德象字德章省場失利就
太學補試與二友夜詣市訪卜因入肆沽
酒對月清飲俄有客落拓造前曰能與一
杯否張見其已醉取杯滿酌置几上戲之
曰觀吾丈姿貌不凡能賦一詩然後盡此
乎客諾之且請韻張欲困以險韻笑曰只
用吞字客卽高吟一絕云行盡蓬萊弱水

源今朝忍渴過崑崙興來莫問酒中聖且
把金盃和月吞舉杯一吸而盡衆方驚歎
迹之已無見矣

題漢高祖廟

張文定安道未第時題漢高祖廟歌風臺
二絕句云縱酒疎狂不治生中陽有土不
歸耕偶因世亂成功業更向翁前與仲爭
又落魄劉郎作帝歸傳前感慨大風詩佳

陰反接英彭族更欲多求猛士爲甚有意
思

臆糊張睢陽傳

有以張睢陽傳糊窓者一士見之題一絕
云坐守睢陽當豹關江淮賴此得全安至
今青史雖零落猶障窓風一面寒

摩爺夫人

夸聖志王仲言有女爲父母所憐愛而所

以惱其父者非一人目爲摩爺夫人淳熙
中仲言爲滁州來安令一少年悖慢其兄
兄毆之至傷訴于縣仲言詰其故忽拊案
大笑吏卒皆莫能測至久乃云三十年尋
一對今日始得之呼兄前語之曰汝可謂
豈弟君子可與摩爺夫人作對兄打弟於
法收罪亦輕自今不得復爾卽遣出豈音
愷北俗稱毆打爲愷故云

題昭君圖

唐王獻題昭君圖云莫怨官人畫醜身莫
嫌明主遣和親當時若不嫁胡虜祇是宮
中一舞人明江陰一士子亦題其圖云驪
山舉火因褒姒蜀道蒙塵爲太真能使明
妃嫁胡虜畫工應是漢忠臣二詩俱有意
致戒菴漫筆云士子名時成化時人忘其
姓

夫妻互羨

宋曹侍郎詠妻厲碩人始嫁曹秀才與夫
離異乃更適詠詠以秦檜姍黨驟擢頭官
元夕張燈曹秀才攜母來觀見厲服用精
麗供侍尊嚴歎謂其母曰渠合在此中居
享吾家豈能留後檜殂詠貶新州而亡厲
同二子歸喪二子不肖蕩產至不能給朝
脯讎居親奮過故夫曹秀才家門庭整潔

顧老婢曰我當時能安此豈有今日因泣
數行下二十年間夫妻更相悔羨若此方
詠盛時戚屬承附獨碩人之兄黜德斯不
然詠百端脅治德斯卒不屈及檜歿遣介
致詩於詠啓封乃樹倒猢猻散賦一篇洎
詠貶新州又以詩贈行云斷尾雄鷄不畏
箴憑依掇禍復何疑八千里路新烟瘴歸
骨中原有幾時莫謂風塵中無曠識也

延和閣

高駢起延和閣於大廳之西凡七間高八
丈皆飾以珠玉綺牕繡戶殆非人工每旦
焚香香列異寶以祈王母之降及畢師鐸
亂人有登之者於藻井垂蓮之上見二十
八字云延和高閣上千雲小語猶傳太乙
聞燒盡降真無一事開門迎得畢將軍人
以爲詩謠

豆腐

豆腐起於漢淮南王劉安朱文公詩曰種
豆苗稀力竭心已苦早知淮南術安坐
獲泉布元江陰孫司業大雅嫌豆腐之名
不雅改名菽乳賦詩云淮南信佳士思仙
築高臺入老變童顏鴻寶枕中開異方營
齊去聲味數度見琦瑰作羹傳世人令我憶
蓬萊茹葷厭葱韭此物乃呈才戎菽來南

堅瓠集

卷三

九

丙

山清漪浣浮埃轉身一旋磨流膏入盆罌
大釜氣浮浮小眼湯涸涸頃待晴浪翻坐
見雪華皚青鹽化液涵絳蠟竄烟煤霍霍
磨昆吾白玉大片裁烹煎適吾口不畏老
齒摧蒸豚亦何爲人乳聖所哀萬錢同一
飽斯言匪俳詼蘇雪溪平詩曰傳得淮南
術最佳皮膚褪盡見精華一輪磨上流瓊
液百沸湯中淡雪花瓦缶浸來瞻有影金

刀剖破玉無瑕箇中滋味誰知得多在僧
家與道家

獨眼龍

吳中小集有便宜行事之令較拳高下晨
後者爲老儒使之行酒有行酒者方病目
一睛紅赤衆以紅字爲韻賦詩惟劉元聲
最勝詩云贏得人稱獨眼龍怪來青白總
非同憐他滿座能行酒也算當場一點紅

白縣尹題壁

元嘉興白縣尹某得代過姚莊訪僧勝福
州閉遊市井間見婦人女子皆濃粧艷飾
因問從行者答云風俗使然少艾者僧之
寵下此則皆道人所有白遂戲題一絕于
壁云紅紅白白好花枝盡被山僧折取歸
祇有野薇顏色淺也來勾惹道人衣勝見
亟求去之然已盛傳矣

屈原曾子

鴻書有士人以非辜至訟庭守不直之士
人情懣大聲稱屈守怒曰若爲士乃敢爾
爲我屬對不能且得罪因曰投水屈原真
是屈士人應聲曰殺人曾子又何曾守曰
吾句有二屈字而汝句尾乃曾字汝之不
學明矣何所逃罪耶士人笑曰此乃使君
不學爾按屈姓俗皆呼如字而屈到屈原

皆九勿切攝使君嘗研究否守慙而釋之
○姓譜及字彙屈並音橘

顏子告狀

明正德辛未禮闈校士以德行顏淵一節
為題試錄刊破云以聖門之四科而係以
聖門之十哲下第之士於是指瑕尋隙爭
相排訕忽一日通政受欺發行庶府遇一
紙閱錄大笑其詞曰告狀人顏淵年三十

二歲係春秋時魯國人父顏路師仲尼地位越一間僅名亞聖吾道見卓爾限於如愚六籍有徵予載無易後世廟廷之議深係名教之倫一代頒行盟定山河之帶礪諸子侍坐分齊冠履之森嚴從遊固有七十三于位號則分四配十哲四配列顏曾而下四子十哲居由賜以後十人配以耦聖而名哲乃陞賢而著廟議所在優劣自

明豈期聖代求賢禮闈試士初場取義題
命四科開榜程文破列十哲如淵庸陋素
並曾思柰今主司降同求我昔不擯於孔
席何得罪於明儒一時遇難亦相從四配
除名真難忍伏乞轉行儀部洗我文羞配
哲不訛綱常是賴有此具告通政卽封禮
部堂司僚采見之且笑且怒無可誰何一
時傳播都下譁然

閔子騫辭費

王季重思任謹菴文飯有閔子騫辭費啟
云寵命驚臨盛心感切但大夫圖治必當
擇人在下士陳力方可就列費爲何地奉
伏公山宰屬何官責深民社而損素不讀
書愚更子羔之上樂從風浴狂尤曾黜之
前旣乏求才又非由果若使操刀必割定
當鳴鼓而攻况損自幼衣寒骨謝温飽之

福平生食舊眉顰改作之煩願共顏貧常
往來於陋巷時調冉疾待診視於孔門獲
逐其私不知所報倘蒙嚴譴亦必奔逃或
且恕及巢由則亦何難屠狄敬附慰懇之
使以抒委曲之忱圓便一言方將百拜

崔判

文飯姻友陳仲公惠朱魚數頭皆瓊丙丹
乙貯之片壑喬木清漪容與笑喋快甚我

亦魚也。偶爾黑甜，長頸生突，至叢盡日，斜
羈影憾之。公將如棠，不見朱儀之媚艷。王
立於沼，偶鶯菁荇之縱橫。急詰園丁，方知
野雀此一雀者。人謂敗絮自標，獨立包藏。
有禍何稱，清迥明心。對客無能，傳說氈毳。
不舞五畝之宅，只供玲瓏獻鱸之餐。八口
之家，難繼稻梁蔬果之賦。久當削跡瘞以
焦山，祇爲尋聲還其朧月。豈其長恃弗恆。

學濶有加闌入清流托狂飈於沐浴衡穿
華藻害錦尾於臨官口甚蘇張攫金印如
取寄塚同勾踐吞文種以無餘恨切仇池
痛深丙穴情當卽行烹滄罪且不止樊籠
但念向未帶牌孤山失尋棹之教今謀拔
繳樵風無遺箭之寬爲我拔一毛且寓摩
頂之割以杖叩其脛勿嬰斷脰之悲咭咭
垂思翹翹暫去還顧出身母胎隱刺

顧令却錢

吾郡顧瀾居臨頓里受性介潔不苟取予
辛山東淄川入覲父老爲率邑民出數十
緡以獻顧賦詩却之云笑舒雙手去朝天
榮辱升沉聽自然珍重淄人莫相贈近來
劉寵不收錢

戲吳主事

弘治中刑部主事德清吳從岷江差還復

命鴻臚寺官語之曰正選通政聲音要洪
大起身不要背下至選日吳果努力高聲
又橫走下御街孝廟爲之解顏楊郎中茂
仁作一對謔之云高叫數聲驚動兩班文
武橫行幾步笑回萬乘君王

嫁女題石牛

正德中江西士夫郭某有女善詩詞一日
嫁女過湖阻風於安仁舖時都憲王守仁

亦阻風於此間中以石牛爲題作一絕云
安仁舖內倚闌干遙望孤牛俯在山下句
搜求終不快意問其處有文人才子能續
者賞之郭文聞之卽續云任是牧童鞭不
起田園荒盡至今閒時宸濠肆虐百姓逃
亡田園多至荒蕪者故詩及之守仁見詩
大喜仍命作石牛律詩云怪石崔嵬號石
牛江邊獨立幾千秋風吹遍體無毛動雨

洗渾身有汗流嫩草平抽難下嘴長鞭仍
打不回頭至今鼻上無繩束天地爲攔夜
不攸守仁稱賞命備絲幣送過湖完親○
挑燈集異亦載石牛山詩云一拳怪石老
山巔頭角崢嶸幾百年毛長紫苔因夜雨
身藏青草夕陽天通宵望月何時喘鎮日
看雲自在眠懶殺牧童鞭不起數聲長笛
思凄然

唐祝募緣

唐子長祝希哲浪遊維揚極聲妓之樂費
用乏絕兩公戲謂鹽使者課稅甚饒乃偽
作玄妙觀募緣道士詣臺造請鹽使者大
怒咤之兩公對曰明公將以貧道爲遊食
與貧道所與交皆天下賢豪長者卽如吾
吳唐伯虎祝枝山文衡山輩咸折節爲友
明公不棄請奏薄技惟公所命御史霽威

隨命賦牛眠石詩兩公立就一律云嵯峨
怪石倚雲間唐拋擲於今定幾年祝苔蘚
作毛因雨長唐藤蘿穿鼻任風牽祝從來
不食溪邊草唐自古難耕隴上田祝怪殺
牧童鞭不起唐笛聲斜倚夕陽烟祝御史
得詩笑曰詩則佳矣意欲何爲兩公曰明
公輕財好施天下莫不聞今蘇州玄妙觀
圯甚明公倘能捐俸葺之名且不朽御史

卽檄長吳二邑資金五百爲葺觀費兩公
得檄遂歸投檄二邑更修刺往謁二尹詐
爲道士關說得金二尹如其數付之乃悉
召諸妓女及所與遊者暢飲月餘而金悉
盡異日鹽使者蒞吳肅儀謁觀見廟貌傾
圯如故責任持任持茫然無對召長吳二
令責之令答曰奉明公檄適唐解元伯虎
祝京兆希哲云自維揚來極道明公爲此

勝舉職卽與金如數久矣鹽使者悵然心
知兩公惜其才名不問也

挑石相嘲

石敢當仰視挑符而詈曰汝何等草芥輒
居我上挑符俯而應曰汝已半截入土猶
爭高下乎石敢當怒往復紛然不已門神
解之曰吾輩不肖方傍人門戶何暇爭閑
氣耶雖戲言可發深省

梅花下火支

輟耕錄周申父之翰寒夜擁爐爇火見瓶
內所插折枝梅花冰凍而枯因取投火中
戲作下火文云寒勒銅瓶凍未開南枝春
斷不歸來這回不入梨雲夢却抱芳心作
死灰恭惟地爐中處士梅公之靈生自羅
浮派分庾嶺形若槁木稜稜山澤之臞膚
如凝脂凜凜雪霜之擦春魁占百花頭上

歲寒居三友圖中玉堂茅舍總無心金鼎
商羹期結果不料道人見挽便離有色之
根夫何冰氏相凌遽返華胥之國玉骨摧
爐烘不醒冰魂剪紙命難招紙帳夜長猶
作尋香之夢筠牕月淡尚疑弄影之時雖
宋廣平鐵石心腸忘情未得使華光老丹
青手段摸索難真却愁零落一枝春好與
荼毘三昧火惜花君子還道這一點香魂

今在何處噴烟然不逐東風散只在孤山
水月中

十二辰詩

倪維綬補羣談採餘宋黃山谷有二十八
宿支干詩朱文公乃云讀十二辰詩卷核
其餘作此耶奉一笑曰夜聞空簾啣饑鼠
曉駕羸牛耕廢圃時方虎鬪聽豪夸舊業
免圓嗟莽鹵君看螻龍卧三冬頭角不與

蛇爭雄毀車殺馬罷馳逐烹羊酤酒聊從
容手種猴桃垂架絲養得鴟鷄鳴喔喔客
來犬吠催煮茶不用東家買豬肉

葱湯麥飯

朱晦菴訪婿蔡沈不遇其女出葱湯麥飯
留之意謂簡囊不安晦菴題詩曰葱湯麥
飯兩相宜葱補丹田麥療飢莫謂此中滋
味薄前村還有未炊時

玉皇絳環

金陵瑣事守備太監劉琅貪婪異常造玉
皇閣延方士煉丹一方士有瘦銀法琅有
玉絳環價值百鎰誑言丹成以謝玉皇遂
以法取去時作詩嘲之云堆金積玉已如
山又向仙門學鍊丹巧裏得來空裏去玉
皇原不繫絳環

刪太白詩字

一富翁慕好客之名而不甚設酒食一日
詣詞人雜坐久之惟具水浸藕兩盤而已
諸人舉手而盡一客因誦客到但知留一
醉盤中惟有水晶鹽之句云太白此詩若
刪去四字便合今日雅會矣一客問宜去
何四字答云客到但知留盤中惟有水衆
皆大笑

詩社

有一人目不識丁好邀人結詩社具飲食甚菲而又愆期人作詩嘲之有紐穿腸肚詩難就叫破喉隴酒不來之句道其實也然詩社不猶愈于聞鷄呼虛之場乎似未可過謂也

剪刀詩

升菴詩話補遺云李古涼時勉詠剪刀詩
吳綾剪處魚吞浪蜀錦裁時燕掠霞深院

響餘一作傳春晝靜小樓工罷夕陽斜古簾
之直節清聲而詩嫵媚如此

熨斗詩

駮鸞錄鉈鉈火斗也俗名熨斗明瞿宗吉
有詩云有柄何曾挹酒漿隨時用舍屬闈
房幹旋天上陽和氣平帖人間錦繡香翠
袖捲紗移玉釧金篝分火近牙床衣成還
寄征夫去印顙何時肘後黃

釣鰲客

唐張祐謁李紳自謂釣鰲客李怒曰旣解
釣鰲以何爲竿曰以虹爲竿以何爲釣曰
以日月爲釣以何爲餌曰以短李相爲餌
紳默然厚贈之宋王巖光有才不達亦號
釣鰲客巡遊都邑求麻鐵之資以造釣具
有不應者輒錄姓名置篋中曰下釣時取
此等慳漢爲餌

千字文題

明韓襄毅雍巡撫江西下車觀風繩檢頗
嚴吉水諸生相與謂曰撫軍不過千字文
秀才安得名邦觀海耶韓聞之卽以千字
文出題策題閏餘成歲論題律呂調陽其
宿學僅得完篇初學及膚淺錯悞者送學
道嚴責自此諸生悉遵約束○南陽李文
達公賢先任浙中學使徵行臣餘姚有兩

生對奕因曰宗師至尙奕乎兩生曰我何
書不讀豈憚試宗師能作百人名題目試
我乎及試餘姚論題曰用兵最精策題曰
孔門七十二賢賢賢何德雲臺二十八將
將將何功諸生茫然齊起跪問李曰千字
文且不能記百人名亦不省何謂讀書知
汝輩今科無一舉人在內餘姚科舉極多
是科果無一人得雋者

拙字

李郁

都一作

爲荆南從事有親識自京寄書

字體殊惡李戲答以詩曰華緘千里寄荆

門章草縱橫任意論應笑鍾張虛用力却

教羲獻枉勞魂惟堪愛惜爲珍寶不敢留

傳誤子孫深荷故人相愛處天行時氣許

殺吞言其字堪作符籙也聞之者無不絕

例

題扇拒客

金陵林奴兒號秋香成化年間妓風流姿
色冠於一時兼善丹青筆法清潤從良後
有舊知欲求一見因畫柳枝於扇題詩云
昔日章臺舞細腰任君攀折嫩枝條從今
寫入丹青裏不許東風再動搖

汪海雲

休寧汪肇號海雲善畫山水人物出入於

戴文進吳小仙曾至南京誤附賊舟值祭
江神約夜間劫一太守舟欲汪備數汪不
逆其意自陳善畫開扇取扇以示無物人
各畫一扇贈之及飲酒用鼻吸飲又爲戲
事以娛勸之賊首不覺沉醉遂誤其事次
日因捨舟從陸常自負作畫不用朽飲又
不用口云

朱斗兒

金陵妓朱斗兒號素娥與陳魯南所聯詩
有芙蓉明玉沼楊柳暗銀堤之句人多誦
之送所歡於江干題絕句云楊子江頭送
玉郎離思牽挽柳絲長柳絲挽得吾郎住
再向江頭種幾行又托所歡買東腰其人
以書問尺寸斗兒答之云旣許紅綾束何
須問短長纖腰君抱過寸尺自思量鳳陽
劉望岑嘗訪斗兒斗兒不出劉投一絕云

唐詩集 卷三
曾是瓊樓第一仙，舊陪雀駕禮諸天。碧雲
縹緲罡風惡，吹落紅塵四十年。斗見欣然
見之

硬如鐵

佛印達方丈成乞東坡顏額東坡未暇佛
印自題曰參禪謁東坡一日見之戲續云
硬如鐵佛印接云誰得知東坡笑云徒弟
說骨直在坐絕倒

戴石屏

元戴石屏復古未遇時流寓江右武寧有
富家翁愛其才以女妻之居二三年忽欲
作歸計妻問其故告以曾娶妻白之父父
怒妻宛曲解釋盡以奩具贈夫仍餞以詞
云惜多才憐薄命無計可留汝採碎花箋
忍寫斷腸句道傍楊柳依依千絲萬縷抵
不住一分愁緒捉月盟言不是夢中語後

回君若重來不相忘處把杯酒澆奴墳土
石屏旣別妻遂赴水死

武廟幸徐霖第

金陵徐子仁霖詩才筆陣丹青樂府獨擅
一時好遊狹斜娼家皆崇奉之文衡山贈
之詩有樂府新傳桃葉渡霖毫遍寫薛濤
箋之句武廟南巡以布衣召對三幸其第
曾釣魚於快園池中失足落水御衣盡濕

易衣復釣得一金魚宦官高價爭買之園
有宸幸堂浴龍池紀其實也乃命召蔡直
霖作詩紀之云久嗣幽風學老農聖恩忽
漫起疎慵身謫陸海三千里目覩天門十
二重封禪無詩何獻納清平有調盡遭逢
臨流久洗巢由耳也許來聽長樂鐘除夕
應制百韻立成在帝左右從容顧問游從
竟日夕可謂不世之奇遇辭官不拜拂衣

遂初冥鴻高竊弋人徒慕又歷二十餘年
竟以隱終

水利

吳爲澤國湖蕩水濱編竹設籬可專魚蟹
麥茨之利惟有勢力者可得之西湖亦然
近見杭人謠曰十里湖光十里筍編筍都
是富豪家待他十載功名盡只見湖光不
見筍

險韻詩

劉玉儔城在南京讀書時攜酒邀沈惟申
重巽盛仲交時泰同遊清涼寺上環翠閣
覩壁間諸詩玉儔因以佯狂張藏虺爲韻
苦仲交仲交走筆書壁上曰三人閣下共
徜徉此日風流壓楚狂讀書不數鄭監稅
任依那誇許少張風生虎向谷旁吼霧盡
初豈田中藏從來陸雲最文弱休笑形貌

多羸廼詩成二人吐舌相視押韻雖妥但
失拈耳

沈宜謙

吾郡沈碩字宜謙號龍江流寓南京學盡
三年不下樓工於臨摹一女嫁揚伯海亦
善寫生工折枝花黃姬水題其杏花云燕
飛修閣簾櫳靜紈扇新題春思長妙繪一
經仙媛手海棠生艷復生香伯海嘗誦拈

木一聯云有枝撐曉月無葉響秋風句頗清致惜不載爲誰作

衣巾生員

金陵楊秀才穀字惟五博學能詩上元尹以苦役役其父兄穀往訴之尹以衣巾生員爲題令其作詩蓋輕之也穀援筆成詩尹見其草中射虎心空在天上層龍事已非之句遂免其役

造樓觀塔燈

徐子仁快園落成錦衣黃美之攜酒飲於園中一友人曰此園正與長干浮園相對惜為城隔若起一樓對之夜觀塔燈最是佳境美之曰是不難詰旦送銀二百兩與子仁造樓美之乃太監黃錦之侄錦保養孝宗最有功及登極賜賚甚厚世所傳陳琳恠盆記乃其事也